

ხელშეკრულება №56
მომსახურების შესყიდვების შესახებ

ქ. თბილისი

12 დეკემბერი 2017 წელი

ერთის მხრივ, სახელმწიფო რწმუნებულის - გუბერნატორის ადმინისტრაცია (ადიგენის, ასპინძის, ახალციხის, ახალქალაქის, ბორჯომის, ნინოწმინდის მუნიციპალიტეტებსა და ქ. ახალციხის მუნიციპალიტეტში) (ს/ნ: 224067961) (შემდგომში „შემსყიდველი“), წარმოდგენილი სახელმწიფო რწმუნებულის - გუბერნატორის აკაკი მაჭუტაძის სახით და მეორეს მხრივ, შპს „იბერია სერვისი“ (ს/ნ 204982359), წარმოდგენილი მისი დირექტორის დავით ჯოხაძის სახით, (შემდგომში „მიმწოდებელი“) ვხელმძღვანელობთ რა საქართველოში მოქმედი კანონმდებლობით, მათ შორის „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „თ“ ქვეპუნქტის, და საქართველოს მთავრობის 2011 წლის 21 იანვრის №26 დადგენილების შესაბამისად, ვდებთ წინამდებარე ხელშეკრულებას სახელმწიფო შესყიდვების შესახებ შემდეგზე:

1. ხელშეკრულების საგანი

1.1. ხელშეკრულების საგანია სახელმწიფო რწმუნებულის - გუბერნატორის ადმინისტრაციის ბალანსზე რიცხული ავტომანქანისათვის (ა/მ „SKODA OCTAVIA, გამოშვების წელი 2013, სახ.№AA-138-CC) ტექნიკური მომსახურების გაწევა. (CPV - 50112000) (შემდგომში „მომსახურება“) ხელშეკრულების პირობების შესაბამისად, გამარტივებული შესყიდვის საშუალებით. კერძოდ: ელ. სისტემის დიაგნოსტიკა; კარტერის, ძრავის ზეთის დონის გადამწოდის, ძრავის ზეთის, ძრავის ზეთის ფილტრის, ჰაერის ფილტრის, სალონის ფილტრის შეცვლა; გათბობის ღუმელის რადიატორის მოხსნა, გამორეცხვა, დაყენება.

1.2. დაფინანსების წყარო - სახელმწიფო ბიუჯეტი, 2017 წლის სახსრები.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს 1152 (ათასასორმოდათორმეტი) ლარს. მათ შორის: ელ. სისტემის დიაგნოსტიკა - 36 ლარი; ძრავის ზეთი სინთეტიკური (6 ლიტრი) - 120 ლარი, ძრავის ზეთის ფილტრი (1 ცალი) - 30 ლარი, ზეთისა და ზეთის ფილტრის შეცვლა - 6 ლარი; ჰაერის ფილტრი - 50 ლარი, შეცვლა - 6 ლარი; სალონის ფილტრი - 40 ლარი, შეცვლა - 6 ლარი; კარტერი - 300 ლარი, კარტერის შუასადები - 40 ლარი; ძრავის ზეთის დონის გადამწოდი 170 ლარი, შეცვლა - 12 ლარი; კარტერის შეცვლა 36 ლარი; ღუმელის რადიატორის სალნიკების კომპლექტი - 30 ლარი; ღუმელის რადიატორის მ/დ - 140 ლარი, რადიატორის გამორეცხვა - 100 ლარი; ანტიფრიზი 1,5 ლიტრი - 30 ლარი.

2.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით გათვალისწინებულ ყველა გადასახადს.

3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება ეროვნულ ვალუტაში უნაღდო ანგარიშსწორების ფორმით.

3.2. მიმწოდებელთან ანგარიშსწორება შემსყიდველის მიერ მოხდება მომსახურების გაწევისა და წინამდებარე ხელშეკრულების 4.2 და 5.3 პუნქტებში მითითებული დოკუმენტაციის წარმოდგენიდან არაუგვიანეს 3 (სამი) სამუშაო დღის ვადაში.

4. მიღება-ჩაბარების წესი

4.1. შემსყიდველის მხრიდან მიღება - ჩაბარების აქტზე ხელმოწერ უფლებამოსილ პირს წარმოადგენს სახელმწიფო რწმუნებულის - გუბერნატორის აპარატის უფროსის მოადგილე გოჩა ბერიძე (3/647001009300).

4.2. მომსახურება ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5. მომსახურების გაწევის ადგილი და ვადა

5.1. მომსახურების გაწევის ადგილია - ქ. თბილისი, აღმაშენებლის ხეივანი მე-12 კმ.

5.2. მომსახურების გაწევა განხორციელდება მხარეთა მიერ ხელშეკრულების გაფორმებიდან 5 (ხუთი) სამუშაო დღის ვადაში.

5.3. მომსახურების მიწოდების პარალელურად, მიმწოდებელი ვალდებულია უზრუნველყოს თანმდევი დოკუმენტაციის წარდგენა შემსყიდველისთვის (სასაქონლო ზედნადები/საგადასახადო ანგარიშ-ფაქტურა).

6. მხარეთა უფლება-მოვალეობანი

6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.2. შემსყიდველი ვალდებულია უზრუნველყოს მიწოდებული მომსახურების ღირებულების ანაზღაურება ხელშეკრულებით გათვალისწინებულ ვადებში.

6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში.

6.4. მიმწოდებელი ვალდებულია მიაწოდოს მომსახურება ჯეროვნად, კეთილსინდისიერად და ხელშეკრულებით გათვალისწინებულ ვადებში.

7. პირგასამტეხლო ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულებების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

7.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით (წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები). აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. ხელშეკრულება ძალაში შედის ხელმოწერისთანავე და მოქმედებს 2018 წლის 17 იანვრამდე.

12. რეკვიზიტები

„შემსყიდველი“

სახელმწიფო რწმუნებულის - გუბერნატორის
ადმინისტრაცია (ადიგენის, ასპინძის, ახალციხის,
ახალქალაქის, ბორჯომის, ნინოწმინდის
მუნიციპალიტეტებსა და ქალაქ ახალციხის
მუნიციპალიტეტში)

ს/ნ: 224067961

ქ. ახალციხე, შალვა ახალციხელის ქ. №2

სახელმწიფო ხაზინა,

კოდი - TRESGE22; ა/ა: №200122900

სახელმწიფო რწმუნებული-გუბერნატორი

აკაკი მაჭუტაძე

ბ.ა.

„მიმწოდებელი“

შპს „იბერია სერვისი“

ს/ნ: 204982359

ქ. მცხეთა, დ. აღმაშენებლის ქუჩა.

ს.ს „საქართველოს ბანკი“; ბ/კ BAGAGE22

ა/ა: GE79BG0000000875689101

დირექტორი

დავით ჯობაძე

ბ.ა.